

謙齋詩集

01916



謙齋詩集卷之七

蕭山蔡仲光大敬甫撰

族裔

震甲雲士編
應鳳小汀梓

書館藏
書正素

七言絕句

從軍行 五首

負劍關山凍不消六羸何日遁天驕平沙萬里無人渡寂寂金闈夜影遙

空磧西風旆旆寒佩刀欲為斬樓蘭閨中也照如霜月不似征人出塞看

休誇燕領氣凌雲犀甲吳戈虎豹羣自古英雄誰百戰卻謙齋詩集 卷七

教人憶李將軍


漁陽上谷萬重山壯士如雲竟不還昨夜骨都分隊出漢家烽火滿榆關

蒲桃美酒醉來歌沙漠風寒裂綺羅背負角弓覘賊寨夜深明月下黃河

少年行 二首

白晷少年十八九柘弓皎劍嘗在手多少江南輕薄兒聞聲來逐馬馳走

少年意氣日揚揚握槩彈棋更拍張天下何人多絕藝可開角勝兩三場



并州行二首

并州健兒馬子高
琵琶帳底聲嘈嘈
十年射獵惟沽酒
歸臥沙場一絳袍

幽燕列障凍旗翻
匹馬長驅入雁門
猿臂由來罷刁斗
暮雲飛處鳥如輪

羽林郎二首

黑裘皂袴羽林郎
擘脯紅樓飲柘漿
夜取冰絃彈一曲
幾回歌罷斷人腸

銀鞍匹馬角弓垂
作客南遊江水湄
金甲束身曾幾戰
當年自是羽林兒

謙齋詩集卷七

涼州詞

賀蘭千嶂朔風秋
萬里黃河入塞流
滿地胡笳邊月冷
最傷情是古涼州

雲土附註賀蘭山在靈州保靜縣山有林木清白望如駿馬北人呼駿馬爲賀蘭

排遍

水調聞歌淚滿裾
思君遠戍十年餘
秋來無數南飛雁
不寄雲中一紙書

入破

匹馬追風劍陸離
夜看珠斗畫雲旗
捐軀直欲報天子
豈顧深閨萬里思

水調歌

情到漁陽夢到無雙
韃躍馬渡飛狐醒來惟有關山月影
弄梅花徹曉孤

明妃曲

躍馬龍堆十丈沙
秋風馬上弄琵琶
蹕林大會咸歌舞
爭說明妃出漢家

班婕妤

承寵君王豈異心
幾回玉輦其登臨
最憐團扇秋來棄
禁闈冷冷一夜深

擣衣曲

謙齋詩集 卷七
三
雙刀單馬幾時歸
日暮沈吟自擣衣
聞道白登圍未解
雁門秋近雁南飛

春水

青楓白日謾生愁
春水潮回帆布流
十里橫塘花盡發
碧天島嶼木蘭舟

桐君山下 二首

桐君山下泊孤舟
千里桐江獨去遊
日暮逆流潮水上
西風颯颯蓼花秋

連江雨暗望何如
叢桂深山理操餘
溪畔應多垂釣客
何人物色此中漁

張六四先輩以扇索書卻寄

謾言翁子善爲書，謝朓雲中句不如。避席自陳深自愧，山城落日滿櫺疎。

禦暑揚風此堪羨，逢人且自長遮面。誰將索靖銀鈎書，題上孟堅白綺扇。

滿徑蓬蒿一草堂，夾流槐柳夏含霜。何爲高蹈凌雲氣，猶愛輕羅扇子香。

同弟果行子柔入山

江村遠縣魚鹽市，山谷逢春紅白花。遂有新詩題櫨樹，相將一傲惠連家。

謙齋詩集

卷七

四

日暮

縹囊塵尾謾須哀，日暮沈吟歸去來。久臥春園惟不覩，海棠繁麗爲誰開。

題畫二首

落日風清思悄然，林泉冥鬱蔓寒烟。高人獨坐茫無際，野水蘆花酒一船。

兩人抱膝對韶飭，老樹枯懸春不花。欲入廬山迷遠近，巉壁上杳無涯。

八月觀潮四首

鬼鬼百丈雪山來，沓雜波濤千里迴。八月秋風吾有興，可

堪乘興一登臺

浩渺江流逆更狂驚濤踰岸正徬徨吳兒引楫隨高下勢若連山不可當

西風滿地不勝愁江岸蕭蕭落木秋惟有陽侯聲更壯遙張帷蓋蹴天浮

臨流欲渡一悲歌白馬橫奔望若何若道忠魂應有氣今來增得幾嗟峨

谿行見谿中所浮桃花

桃花濯濯雨淒淒幾點枝頭繞一谿桂楫自搖幽境遠薜蘿深處午雞啼

謙齋詩集

卷七

五

送友人入秦

四首

江波渺渺布帆張負劍離家春光君入秦中應記取嵬嵬太華削成方

干戈擾攘一西遊萬里關山不盡愁漢武曾開上林苑春花飛繞帝王州

遊子西遊正鼓鼙連翩白馬大河西古來將帥多強武幾到函關封一泥

渭河秦嶺白雲寒徧地吹笳行路難君到棘門諸壘境何須不作故鄉看

同叔廬織若醉臥江皋作

夷猶何處動蘭橈
谷口仙雲洞口濤
惟有嵇劉頻醉酒
花飛滿地臥江皋

畫竹

茂篠嫵娟畫裏長
忽然風雨滿瀟湘
古來避世人誰在
潦倒狂歌入醉鄉

夜落金錢

數枝灑灑舞風前
但入秋來總復妍
落魄看花花自好
可憐夜夜落金錢

江樓望潮 二首

秋盡風高落日清
江樓數望不勝情
錢唐急水懸帆渡
誰

謙齋詩集

卷七

六

道中流白浪生

不獨登高逸興飛
彌天白浪拂裳衣
懷人萬里愁無極
野草紛紛戰馬肥

二喬觀兵書

神亭擊戟特迴車
顧曲周郎讓宅餘
天遣英雄多異匹
翩翻二女解兵書

客遊洞庭湖而返對余話其波濤之盛因賦之

洞庭秋水接天浮
安穩行人挂席遊
一片君山圍浩渺
至今長憶岳陽樓

翦春羅

小盃階前吐萼芳
春來誰不換羅裳
蘭閨日暮持刀尺
欲翦春衣暗忖量

山中造茶歌 三首

會稽二月土花鮮
野女擔簾依夕還
採得春芽三百片
乾焙爲試惠山泉
鬪茶知有陽侯厄
每愛山園采擷工
分付何人竈下坐
緩添桑樾火通紅
煮水風前興欲狂
斷崖缺石采爲良
山山原谷春流急
樹子規夜叫長

孤山郭孝章墓

謙齋詩集 卷七

蕭疎秋色滿山橫
郭氏墓門湖水盈
香閣登臨獨不見
一杯殘土徧燕菁

趙大之鼎遺以藥酒 二首

雲中錦字寄宜春
一飲應知百藥新
酒送陶潛心愛久
病休裘野臥來頻

西風吹落百花香
甕底生春夜月涼
無那病因愁裏至
爲思藥入酒中長

聞大鴻遊歙有寄 二首

東風吹送歙州舡
一路飛花傍客星
我夢長遵武谿水
何時復返落帆亭

春深遊子澹忘歸渺渺迴風拂羽衣白鶴排雲迎屐上鏡
湖懸榻候鳧飛

卽事 二首

幽棲何用日餐霞五柳搖情映碧紗怪底西鄰牆不築隔
牆爲有海棠花

移居新故渾相忘隔圃春風著海棠好典綈衣日沽酒對
花頻發阮公狂

獨立

獨立蕭蕭野寺秋門前禾黍吐花收舟迴萬里歸何處八
月瀟湘愁不愁

謙齋詩集

卷七

八

除夜和張六四先輩

蕭蕭四壁一衣寒寥落衡門墮雪殘令節也臨幽隱處獨
絃哀唱夜漫漫

元日又和張先輩

抱懷圖史意吾吾獨立草堂春有無北幹峯頭朝雨雪連
山門下夜啼烏

鑑湖夜宿

三首

朝雲縹緲墮葑田日墓旗亭酒十千杳杳停舟鷗鷺側輝
輝弄月薜蘿邊

躡屩稽山興自翔夜看花柳乍低昂禹王祠下飛蝙蝠賀

監湖頭釣鯉魴

岸泊孤舟把酒卮酒酣數問夜何其穠花泣露敷香早
月淪星入水遲

春閨

元帳丹燈蘭室暮泠泠夜雨愁難愬淒迷野草徧江南
匹馬誰臨此中路

卽事 三首

泚泚小史舊名宮閑麗無雙江上逢醉執金鞭遙指處
海雲吹雨曉來紅

羅衣春舞棟花前曠澹縈懷情自妍好引朱衣頻拭面
何謙齋詩集 卷七 九

人不道是神仙

與君相視莫相疑少婦壚頭醉臥遲君自妙齡吾自老
春花秋月不同時

感舊

勝地稱觴作勝遊江花拂面暗江流重來已覺河山逸
心感當年淚欲流

來十三美歸自邗溝

雲山草樹澹秋暉此日邗溝別去非正是相思難盡處
江潮午發送君歸

寄昌其

二首○時昌其館教
江皋隣皆煮鹽爲業

日日高齋坐寂寥朝朝暮暮浙江潮
衰哀江海孤情壯指顧圖書逸興饒

白草茫茫野自幽秋風茅屋爾何求
煮鹽亭午烟光淡坐見長江不盡流

南士扶其兄木弟之維揚時木弟病甚

二首

扶兄千里走風塵多病相如載去貧
濤湧廣陵雖可說可憐君是倦遊人

三句用枚叔七發

一江寒色眺何如帆挂秋風落照餘
有弟扶兄裁五藥縱然多病也蕭疎

題寇眉

有序○二首

謙齋詩集

卷七

十

寇眉秣陵妓撫寧侯購得之千金乙酉留都之役
俘撫寧侯寇問得歸丐諸侯之故人得千金爲賂
以贖不足復爲妓繼之侯賴以免朱士稚歸自邗
溝爲予備述本末如此寇雖妓其志有足矜者爲
題詩二首

秦淮河畔畫眉頻重整羅裳志態新斜倚曲欄臨大道
心懷何處種瓜人

繡帳紅燈青漆樓兒家夫婿舊通侯挾瑟當筵歡似昔
背人私處淚雙流

健菴附註板橋雜記載寇眉字白門年十八九時保國公購之時以金屋甲申京師陷保國公降家口沒入官

白門以千金子保國公驥身匹馬短衣從一婢而歸歸
爲女俠與文人騷客相往還按此說與題註不同未知
撫寧卽保國否

西湖竹枝詞 十二首

潮聲雜雨夜來長
曉起還遊十錦塘
妾在西湖情自好
誰傳萬里不歸郎

雲抽南北兩峯遙
儂上高峯望海潮
爲郎不如潮有信
撮縫裙摺減纖腰

朝朝組履入山尋
夜夜蘭燈映水深
若使西湖堪作酒
顛倒倒醉郎心

處處笙歌處處花
翠圍紅繞競繁華
緣何復有林和靖
門謙齋詩集

卷七

十一

掩蒼苔興也賒

樓下青駒被錦韉
滿湖演漾木蘭船
望郎不至休教出
莫使含愁聽筦絃

渺渺清波喜欲狂
湖中七十二鴛鴦
遊人若打鴛鴦隊
日暮何繇得並行

雷峯古塔鈍如槌
把似儂情定不差
終日挽郎郎更去
鈍槌那得解夢絲

湖亭四面藕花開
一上湖船采便回
但剖蓮心知有苦
誰踏蓮根得藕來

獵獵春風吹酒旗
濛濛暮雨溼羅衣
釣船盡繫湖邊樹
只

有輕鷗水上飛

黃鶯飛去落花多
楊柳青青映碧波
盡道北人騎馬慣也
來船上一高歌

樓閣層層四望開
無邊花柳映樓臺
最憐清淨西湖水
日紅塵拂面來

晴山日落有烏棲
路轉西冷聽馬嘶
焉得仙人百花酒
千錢一飲醉如泥

威武將軍歌

五首

威武將軍數戰爭
繞江笳鼓夜深鳴
擐旗雖未橫江渡
隔岸先聞咳唾聲

謙齋詩集

卷七

十一

威武將軍勇絕倫
樓船一聚又秋春
辛夷花下人難坐
羅刹江邊國易貧

威武將軍興日豪
繞營垂柳蠹飄颻
可憐荆楚輕趨士
驅作吳兒學弄潮

威武將軍運戟強
臂毛如鬣畏禁當
會稽已稔聞操刺
日坐沙頭喜拍張

威武將軍嘗敵還
短衣大褲馬連錢
奇材劍客咆哮甚
咫尺江山不得便

健菴附註

此刺方國安之道遙跋扈也按國安遂安人

父逢年崇禎朝大學士國安以善戰至總兵官宏光末與大清兵戰敗奔至浙魯王監國列軍江岸用爲統帥駐七條沙兼鎮嚴州封荆國公並以逢年爲大學士

父子握權責任甚重乃國安擁兵專恣且納馬士英阮
大鍼於軍中馬阮煽惑諸軍致官兵與義兵相惡自草
橋門敗歸後不復渡江義兵間有渡江戰歿者國安坐
視不援其軍剽斂村落遊城市且攘義兵之餉致錢
肅樂等兵絕餉乞食詩故刺之首章言國安本宿將握
精兵敵亦應畏之也次章言老府之糧不足供兵食也
刺江魯王立國于此章言國安兵多荆楚健卒其銳卒號
辛夷花句俟考三章言國安兵多荆楚健卒其銳卒號
磨盤營者尤敢戰借其不赴敵也四章言國安之勇而
不肯戰也卒章言兵雖小挫精銳猶全咫尺國安之勇而
波而坐待潰散也厥後大兵渡江國安兵先潰與父
逢年薙髮迎降未幾大清惡其反覆不測父子駢戮

江樓聞北人吹笛二首

層樓倚檻俯江波笛裏含愁聽若何躍馬燕山爭戰久秋
來戴甲渡黃河

落日晴窗照鬢絲秋風笛裏最淒其何爲五孔江間弄頻

謙齋詩集

卷七

十三

動三岔塞上思

夜月聞雁

畫角城頭秋月低蕭騷門巷影悽悽啣呀何處雲中雁爲
爾能啼偏夜啼

愁

生平年少日悠悠百事交前渾不憂今日始知愁欲至茫

茫江水滿林秋

牆上粉團

春盡登樓鱣幾揮牆頭拋卻粉團肥最憐酩酊關情處細
雨蒼烟花不飛

渡東橋弔余武貞先生 二首

白日青霜雁影遙
秋風吹冷渡東橋
江南到處菱歌發
渺渺忠魂不可招

渡東橋下白波長
埤堥金笳曉氣涼
四顧蕭條愁不盡
英靈宛在水中央

雲士附誌余煌字武貞會稽人初名皇天啟乙丑狀元御筆改今名官左庶子預修三朝要典監國時特起兵部尚書丙戌五月晦日江上失守有議登陴者嘆曰臨江數萬眾猶不能當日戰乃欲以老弱守孤城是聚肉待虎也亟開九門縱民所之而自出東郭沈渡東橋下衣朝衣廣袖猝不能沒老僕陳二踪跡及之拯以起煌急袖巨石復自沈比得尸衣帶間有小木版書絕命辭曰穆駿自馳老駒勿逝止水汨羅以了吾事有愧文山不入柴市尸暴城下久之乃殮又許文學尚質江表遺事煌出東郭門宿石旂草菴次日渡東橋赴水死舟

謙齋詩集 卷七

人拯之起復宿草菴一日至大河頭赴水死之又余氏家乘載煌赴渡東橋水時男婦出奔者齊聲呼公活我輩公死敢不急救則拯起而負之以逃至梅龍堰公甦謝衆人再投梅龍堰死棺停散花亭據兩說則煌之死又不在渡東橋矣並錄之以誌傳信之難

送張天月之楚 二首

布衲蕭蕭江渚過
碧天無際影婆娑
孤帆直上三千里
秋滿瀟湘離怨多

江皋攜客共徘徊
秋老彫零野望哀
倘入蒼梧尋帝子
九峯疑處莫歸來

我雋吹笛徽之按節而歌 二首

寄懷閑暢憶誰家
便串如君興自賒
玉笛臨風兩三弄
可

因浩唱過飛霞

笛吹子野不勝春歌入綿駒遂寫神我亦多情心更苦
衰愁殺路傍人

循江岸雨行見辛夷花有感 二首

樽酒飄零江上槎早春爛爛辛夷花浮雲合處都爲雨
吹殺東風低復斜

辛夷挺立白森森曠岸何知吐怨深倘撫瑤琴歌一曲可
能山水有知音

月下梨花寄丁廸吉 二首

春滿吳山吐翠芽梨花月下白紛紛江湖獨客乘幽興幾
謙齋詩集 卷七

十五

爲窮途欲致君

朝餐松屑暮乘槎輾轉孤園秀影賒總爲春風吹向晚不
妨垂老折梨花

新秋曉立

一葉西風暑未殘明湖曉立動微瀾冰心欲映秋來色手
折荷花帶露看

城山越王臺寄友

古剎蒼松清吹哀寒臨白日越王臺浮雲江上非無意爲
寄相思拂浪迴

健菴附註蕭山縣志城山在縣西九里湘湖上其山中
卑四高宛如城堞名越王城又名越王臺前兩峯對峙

如門曰馬門山半有池曰洗馬泉山巖
有石兩竅通泉冬夏不竭曰佛眼泉

里中年少

里中年少治庖廚坐客堂前醉叫呼自解衣裳相拍舞身
長八尺白如瓠

讀宋蕙湘題壁詩感而有作二首

妝點雙椎繡影斜春來馬上看飛花關山萬里兵戈發薄
命紅顏自嘆嗟

野草寒沙白月垂更深旅館照蛾眉穹廬不是芙蓉帳四
壁胡笳徹夜吹

健菴附註余澹心板橋雜記宋蕙湘秦淮女也兵燹被
擄入軍至河南衛輝府城題壁詩四首云風動江寒羯

謙齋詩集

卷七

七

鼓吹降旗飄颻風城開將軍戰死君王繫薄命紅顏馬
上來廣陌黃塵暗鬢鴉北風吹面落鉛華可憐夜月筵
篋引幾度穹廬伴暮笳春花如繡柳如烟良夜知心畫
閣眠今日相思渾似夢算來可恨是蒼天盈盈十五破
瓜初巳作明妃別故廬誰散千金同孟德鑲黃旗下贖文姝

江雨懷人

遙持瑤草嘆咨嗟欲贈行人道路賒惆悵滄江春夜雨何
賢爲御七香車

遙和魏文靖公詠張厚民梅月軒二首○厚民以醫
著其後人屬予和

重階月色步遲遲檻外梅花共幾枝傳道魏公高北斗也
憐花影亂參差

東風一夜滿庭花朔雪初晴月影斜仲景翩翩醫國手當

年高臥碧窗紗

送趙魯存北還

四首

秋原搖落雁行新
載酒稽山客况貧
楓裏飛帆丹色映
江南此景最愁人

十載干戈戰不迴
吟餘詞賦罷登臺
不知彼美今何處
半落秋江歸去來

秋草無邊悵別離
雲迷白日挂帆遲
卽今雙鬢蕭條色
弭節江干有所思

蒼茫秋色滿江關
客子菰蘆鼓棹還
河北諸君猶健否
今聞半入太行山

謙齋詩集

卷七

漁浦

十七

日暮雲飛漁浦邨
秋江風急水流渾
射潮未殺三千弩
惆悵歸來早閉門

山中瀑布簡山僧

青壁寒流幾處尋
寂寥秋色散繁陰
遠師白社今何在
未入廬山意已深

江邨雜興

六首

皂帽青鞵江上邨
頓憐潦倒入荒園
忘機水鳥池邊睡
瞥見人來展翅翻

增巢泥燕語雕梁
著雨林花落海棠
舟楫波間搖自穩
接

羅頭上倒無妨
杖上懸錢幾處行
花飛柳絮繞江城
閒看旅鳥晴川浴
坐對孤雲海岸生
酒興花情日故長
春深風雨夜淒涼
紅桃白李枝都墮
滅燭開襟語愈狂
江上鮮花樹樹開
幾家有酒可登臺
杜鵑寒食啼偏苦
楊柳春風飛復迴
花英撲酒莫嫌貧
陶令由來一葛巾
荏苒年華君自度
入春幾日又殘春

湖中春社

謙齋詩集

卷七

七

單船疊舸影搖空
一入明湖似鏡中
不盡含愁春社酒
落花啼鳥綺羅風

送金陵友人遊天台

三首

久聞玉峴與瑤臺
萬疊千盤解岸回
白髮如君身更健
秋風匹馬去還來
深山行李傍雲霞
窟宅仙靈樂事賒
劉阮當年懷土去
至今谿畔有胡麻
東行到海水潺潺
海岸兵戈途路艱
君在赤城梁上渡
可能回首望鍾山

鑑湖寄鄒元檄

時鄒北游燕

竹嶼蘆洲夜月低秋風吹笛鑑湖西烽烟欲動歸帆早雙
鯉波間路不迷

族弟廣成窗前並蒂芙蓉 二首

丹葩瓊草滿堦盈映蔚雙荷其一莖疑是江妃愛交甫佩
珠未授目先成

靈艷無雙爲有雙雙開對照廣成窗還因老蚌珠雙出其
泛蘭英酒滿缸

秋雨入白魚潭弔張梯 二首

秋來風雨一江迷四野浮雲屋舍低世業張融貧固甚只
今零落更悽悽

謙齋詩集 卷七

九

布袍八月棹扁舟直入門閭涕泗流幾欲彈琴君不應夜
臺那散故人愁

戲簡大可 二首○時大可避人
獨處以土自塞其門

伏枕孤帷罷掃除滿園春色掩門虛畫眉舊許張京兆靜
對高樓度曲餘

一臥滄江病日深風流伉儷比肩心舊時兄弟遙憐汝花
影重重不可尋

戴文進畫子瞻中酒圖 二首

烹魚作膾送人嘗西園深處集晁黃總爲子瞻頻中酒執
匏來飲解醒湯

醉眼模糊據缶覘鸞刀切脍細纖纖染毫愁殺人皆醉和
治蘭梅進子瞻

村中作社野老牽衣邀予飲酒

二首

野老牽衣入廟迷繞筵勸飲舉杯齊風清翠竹搖情遠日
暖紅桃照座低

神前共祝有年無士女王維春社圖錯烏爲歡相顧笑攜
筇欲醉倩誰扶

姜十七延梧北遊將入齊魯之間已渡淮忽廢然而

返因有此寄

二首

春深行李日蕭蕭芒碭山前水作濤未至青齊中道返遙
謙齋詩集

卷七

三

聞六郡幾人豪

布帆風發又淹留夜月江花兩岸稠君渡淮陰應自悔黃
河北望不勝愁

階前蜀葵花十有二枚

看花應買酒如淮玉映蘭閨十二釵落日天清美無度

一作

層雲風靜搖香佩上

一作可憐無伴悵

空階

友人以九日詩見寄踵韻以答

二首

囊貯茱萸繫臂新蕭然攜酒出風塵年年雲物傷情處愧
爾登高憶故人

摩詰題詩滿鹿柴陶公采菊動秋懷可憐到處悲搖落樽

酒何能皂帽偕

渡錢唐江大雪三首

幾折錢唐向北看朔風吹雪滿江寒懸帆小海吾能渡顧
視山河益渺漫

皎潔瑤花覆黑裘翻颺銀絮映紅樓遙山連樹寒增白遠
水橫船凍不流

渺渺寒江蜃氣多紛紛大雪柰愁何淒迷兩岸風搖浪一
棹中流條已過

夜月聞雁懷塞外李祁諸子二首

夜月窗前影半頗忽聞哀雁枕邊過遙遙疑自二韓至雪

謙齋詩集

卷七

五

霽懸珠夢見他

積雪增冰夜望非關河影拂舊貂衣一聲何處雲中雁又
道沙場繫帛歸

懷人聽雁夜愁單杳襟紋窗江月寒夢裏難尋忽又遇醫
無間北雪漫漫

邨舍二首

船上漁簷捕滿湖邨中無酒隔山沽不知乘月看花後有
客堂前醉聽鳥

隔湖幾見遠山尖煮酒烹魚意莫嫌楊柳月中波色映看
來疑是水晶簾

送人之大同幕

匹馬寒深走塞垣雲中飛將臂如猿少年一入蓮花幕頓
覺春風滿雁門

紅荷花

芳馨的爍紅荷花緩棹波遊擬若耶愴怳風前思一折可
憐搖手落紛葩

見友人山間采薪

倉卒逢君塚次間西風松檜動秋山疾謳翁子貧無侶日
暮擔薪自往還

題錢子方

一作畫
其恒畫

謙齋詩集

卷七

三

春雨衡門早上關丹青描出絕躋攀不因次仲爲飛鳥那
得翩翩二翻山

湖邊逢獵馬

海風吹雨落溪澗水鳥將雛水上飛一匹隄邊驪白馬韋
衣私獵帶禽歸

弔海烈婦二首

貞哉百世可絃歌夜月祠前睇薜蘿夫壻已離難更訛舳
艫江上柰愁何

隨夫強載淚沾襟倉卒裙襦紉跡深滿眼風波心自矢驛
前流水碧沉沉

健菴附註陸次雲海烈婦傳暑海烈婦徐州陳再益妻
康熙六年徐水災陳同婦適常州投所不知遑遑無
倚僑傲于常有楊二者窺見海託交于陳濟以金陳甚
德楊結為昆弟海以楊非善類勸無近陳勿聽楊窺伺
多方海益閉影不得問林顯瑞者運丁也楊告以遇
國色不得近林曰予若皆可志楊從之陳悅甚而海
妻附舟以歸則我與若皆可得志楊從之陳悅甚而海
以揚與林非端人不可陳強之甫登漕艘而林遽遣陳
適吳門矣楊與林計演淫豔戲劇命舟婦邀海不視
是日命舟師藍九持醴祀海神牲血忽自濺躍孟外
林以為藍勿戒怒詈藍恨之林視海無如何揚躍孟外
刀往劫夜林往劫海大呼降舟以為逐賊共喧起林急
遁海拽窗求出不得乃自縊林大懼揚為匿尸米中欲
俟人靜投之河捕林出戶米求見其眉宇間愁悴益
恨林鳴官捕林與藍九金求其往姑蘇謀陳再益藍
含正氣凜然衣裳袷帶間密紉層縫無罅也其為死計
審矣陳歸哭悔無及林定辟楊二思免脫為同舟人擒擊斃于石而海烈婦禳祀于毘陵

江村夜雨聽江上潮至

謙齋詩集

卷七

三

東風吹雨入江邨楊花薄暮動柴門
澗水逆流高幾尺遙憐夜上舊時痕

老婦窺鏡寄蔣馭閣徐澤蘊沈甸華諸子 二首

夾戶春風布幕長深閨寂寂攬衣裳
可憐華髮愁無算來對青銅鏡有光

老婦星星兩鬢非摩挲銅鏡舊時輝
詎將紅粉隨時態桑採城南陌上歸

壽單廣文

二首。其人自教子深
知子之才相得歡甚

玉壺酌酒對漁磯七十人稱古所稀
昨夜天孫剛織錦朝來好製廣文衣

誕辰在七月八日

滿湖白藕發紅花載酒壚頭又一車四壁松筠君自飲天
親相顧興無涯

弔張六四前輩翼飛

四首

江岸楓林入暮秋於陵谿刻欲何求葛衰杖策翩翩至痛
哭先生地下遊

年來搖落幾逢君但說紛華指白雲蒿里爲歌悲莫唱田
橫島畔不堪聞

尙書舊第漫相誇年老荒園賣菊花試令蓬蒿孤影在翛
然遊散到誰家

歎菽悠悠浙水濱嶽嵴厯落不辭貧夜臺未有垂綸客誰

謙齋詩集

卷七

三

問行吟澤畔人

哭丁十八一惠

八首

春時送爾入深山手拂烟霞異市闌卻怪山居消息惡秋
風忽已別人間

噉噉啼君那不哀幽靈地下得聞來白楊日暮悲風起誰
識蕭條滿夜臺

冥契雲泉喪此朋墳花空酌酒如澠不能解劍懸徐樹那
復重書答秣陵

多方曾讀五車書執簡千年睹掌如一入夜臺應寂寞更
誰載筆問爰居

把臂論交四十春從狸月下索誰親撫弦漫作高山曲顧爾飄飄隔世塵

君遺此世翳幽篁紅樹傷情幾斷腸魑魅窺人今遠近折蘭夜壑杳茫茫

垂涕呼君君不聞編言悉作嶺頭雲僻情成痼儀難攝夙昔推誠此負君

嗚呼已矣復何言寒日橫江白草飜屈指沈淪今更少薛蘿深處夜魂騫

白雪映紅梅詞和諸子韻

三首

獨立微吟惆悵詞滿園斐皓映胭脂美人雪裏驚紅豔幾

謙齋詩集

卷七

五

傍妝臺折一枝

風迴舞袖吐芳詞何處傳聞阿得脂雪裏白花探不見翦梅還寄豔陽枝

舍人謾作滑稽詞齒齧妃脣脣有脂鮮潔雪迷梁苑色霏紅梅映上林枝

題史憲臣社兄煮雪軒

二首

十畝談經揚子家春風煮雪對侯芭滿園桃李搖羅幌何似燕山雪作花

種樹山園北幹迷干戈海岸夕陽低落花樽酒春來醉煮雪軒前聽鼓聲

和朱彝尊南鎮春遊詞 四首

春深遊女木蘭橈相逐鴛鴦去不遙
天柱山頭雲作蓋若耶谿畔雨低橋

紅顏綠黛自紛紛白縠單衫映暮春
無那東風吹作雨飛花散盡鑑湖濱

鴛湖騷客鏡湖遊翰染琳瑯綴越州
雙櫂橋頭夏王廟錦韉春色彩雲流

香爐青翠接平蕪水滿清江鳥夜呼
最是客中愁不得倩人花下醉相扶

健菴附註朱彝尊字錫鬯號竹垞浙江秀水人康熙己未舉博學宏詞官翰林院檢討著有曝書亭全集按朱

謙齋詩集 卷七
竹垞南鎮春遊詞一首黃衫白帽染縑塵惆悵花時已暮春總向越王城下住扁舟須負五湖人又毛西河同作一首云春船初發白蘋開十里橫塘晚

未回南鎮祠前北風起夏王陵上雨飛來
送周翁之和州是年十月爲其八十誕辰

孤舟一去幾時還令子和州舞袖斑楓樹盡紅
江水白持杯好上八公山

湖上薰風吹柳枝枝枝踈地度黃鸝思濃聖酒迷花
綬情藹慈雲拂桂旗

滿湖晴色藕花開疎布漁簷望若杯願得與君頻把酒
振衣高嘯越王臺

南窗風入酒醒初
薜荔情搖四壁餘
何得咒蓮生鉢後
看花黑鼈豕江魚

彌勒何人綵繡傳
固宜米汁與周旋
風吹旛影情難定
露洗荷花醉欲眠

毛甦四表初度 有序○八首

甦時有母夫人之喪而尊大人年且八十諸子刻
木爲鳩挹漿注蠡朝昏侍側扶持抑搔念冥漠之
殊途長抱匪莪之痛顧幃屏之遺跡恐傷厥考之
心情蘊于中者非言曷由以宣而仲光之友甦也
相知最深故染毫抽思代爲抒詞以暢厥旨慰云
爾乎祝非敢矣

謙齋詩集

卷七

七

受性應仙不可攀
幾因葬母更來還
紫雲一起烟波闊
江上遙飛二白鷗

牽拂相招顧索郎
空中玉案挹瓊漿
茅君未割慈幃愛
誰使姮娥竊藥嘗

吸景乘螭駕白雲
偷桃曼倩思紛紛
昔年王母如無恙
割肉懷歸餉細君

黑貂裘佩紫羅囊
鞍馬如龍覽八荒
總帳燈前一樽酒
可憐廣柳滿車霜

王母西歸不可留
東王公在度千秋
棘人環侍稱觴勸
白

紵裁衣淚已流

那更乘風擘赤霞天台深處女仙家也應骨立憐和嶠強
引文螺汎菊花

老公八十杖相扶江上丹楓雁北呼酌酒賜君君未飲
門曾報母恩無

招魂不可更歸來復爲思恩強抑哀野水風淪園樹月好
持几杖侍裘裛

新婚曲爲枚臣作 五首

鷺雉雙飛雁並翔囉囉江上二鴛鴦朝時接翼清溪側暮
共銜花荷蒂傍

謙齋詩集 卷七

五

沙岸鴛鴦並坐時雙棲雙唼最堪思雄矜文彩慚將老
翼翩翩來覆雌

弄珠神女傍江遊髮髯烟霞翠袖浮不學山雞成自照
然黼帳共綢繆

風吹梅蕊夜深時燭下香生舉案遲好檢重匳遠山黛背
人偷染鬢邊絲

拂拭啼妝日未斜含羞慵自縮靈蛇相看冰雪紅懸菓
遙憶楊梯白作花

新婚曲 五首

翡翠帷開繞鏡奩香侍女應歌舞媚娘滿岸江楓紅似錦華

燈一夜影相望

七香車上合歡衣簫鼓盈門蠟炬輝鴻雁初飛郎未奠蟾

蜍方吐婦來歸

時不親迎故未奠雁婚期以十月三日未語記時也

檀郎妙筆動江瀾新婦迎來玉映看應有令儀堪作範不妨秀色與同餐

鬢登交拜巧相瞻夫婦人倫也避嫌共飲半匏鄙淥酒香風吹帶夜襜褕

對筵相揖轉相親玉笋眉間粉澤勻天畔雙星今夜會九微燈下不勝春

壬子六旬除夜二首

謙齋詩集

卷七

无

隔歲迎春春溢初梅花滿座照相如卻憐霜鬢扶鳩客把酒燈前又歲除束帶春風口自吟紅燈照影愧年深不因卒歲頻頻老何用芳樽滿滿斟

癸丑元日二首

聲聲爆竹接蒿萊寂寂人銜柏葉杯自笑狂歌蓬白首差看綵燕拂中迴懷人萬里挹流霞六十扶鳩情愈賒忽憶履端春漸盛徘徊江上折梅花

九日登高醉中作二首

登高雲物有還無六十何須用杖扶自哂年來鬢似雪還因令節飾茱萸

霜天坎壈意如何酒半臨風作浩歌固識情哀因景激那堪心壯聽年過

同青未閣十景詩

有序

青未閣十景詩者徐氏婦女自相倡酬之所作也同之者同之而已和之而不以寄人固有和之者而余以衰年久病之後隱几鮮營聊複製此以彼朱閨況予簞竇以彼麗景况予懷懷跡不相符而操觚以相續亦曰人貌有衰山川無惡風雲易變景物非殊庶因是以寫其曠恨無聊之意云爾昔杜甫讀元漫叟結在道州所作二詩感而爲賦春陵行而不以寄元故余之製爲此詩也亦同之而已和之而不以寄

其一

郭外青山

四望峯巒映女牆晚霞飛傍畫屏涼遙知倚檻閒吟嘯鏡裏青青接鬢長

其二

隣寺曉鐘

峇峇柰苑棟生雲繚繞鐘聲曉夜分深閣重重魚鑰掩何由得入枕邊聞

其三 秋林絳葉

送客江皋楓柏林非臨菌閣識芳心可憐秋老經霜後也
作紅顏遠和吟

其四 城頭夕照

處處寒雲繞水飛忽穿落景滿城微暮光雖暝朝還出
照蘭房織錦機

其五 漁燈晚唱

綺閣縈江夜望迷江燈點點隔林低數聲忽作滄浪唱知
是漁人轉棹齊

其六 碧池朗月

謙齋詩集

卷七

春夜深閨花氣穠碧池流水夜溶溶天邊又下靈娥彩風
動微波影幾重

其七 新篁烟雨

幽篁灑灑舞風輕烟雨迷離不可明望去檀欒新解籜誰
令抱節有貞情

其八 平田雪霽

鮮皎無聲不可攀何人儷曲郢中還平田初霽光奇絕况
入城南疊疊山

其九 綠野春耕

夜雨淋漓溢若耶負犁開竇野人家深閨非有勞農酒送

視翻如滿畎花

其十 宵舟欸乃

角枕鴛衾夢未回扣弦何處使人猜暗中欸乃遙相應能動深閨曲曲懷

雲士按單雪園和青未閣詩序曰余友徐仲根題所居南樓曰青未了蓋取工部望嶽句也其嫂氏及子女輩俱工吟咏卽斯樓爲妝閣遂有青未閣十咏詩唱和成帙憶辛卯嘗過仲根登樓吟嘯面面皆暢今二十餘年矣觀詩憮然

寒夜篝火讀身後芳名卷

有序。二首

萬歷初邑中丁太學生應正侍父之病覩其困極不勝悲愴之懷上籲穹蒼願以父所畀之身代父

謙齋詩集

卷七

三

之死父瘳而公病宛轉牀簀之間呻吟疾痛一如其父遂卒後公嗣子得公籲天之草於故札中而禮部主客郎中孫學思爲題身後芳名四字貽以藏其家此與南齊庾黔婁之稽顙北辰求以身代者情跡同而報施異其故曷由與或曰古人信今人疑天之異其施所以信公於後世也後且百年蔡仲光讀之而詩以紀其後

展卷沈吟意未央寒庭篝火樹蒼蒼百年舊事重憑弔梅未爲花滿案香

祈死情深不可窺愛親身已爲親危三更海嶼朧朧月倒

影雲中照棟椽

雲士按東阜讓算延親疏曰丁應正生於嘉靖十八年正月十一日戌時父陽春生於正德十一年四月二十日口時年六十六歲於萬曆九年十二月廿七日占疾大作暨匿膏盲醫達和緩死生未卜旦夕靡寧問占筮而俱凶等風波之莫測將百身其可贖總萬死以奚辭蓋罔極吳天未答春輝於草木靡瞻匪父誰延暮景於桑榆痛赴愬之無門冀挽回之有術屢思剗股補續於何人謹卜良辰有妨俗忌惟恐淪亡之術屢思剗股補續於吳天謹卜良辰有妨俗忌惟恐淪亡之術屢思剗股補續於於吳天謹卜良辰有妨俗忌惟恐淪亡之術屢思剗股補續於

哭叩在大師前數月其從叔沈壽民隱居亦卒末遂

并弔之 六首

謙齋詩集

卷七

不勝怨誹下漁磯東去茫茫一黑衣講法姑蘇燈夜寂幽

魂仍傍敬亭飛

牢愁悱惻遍天涯垂涕中宵拂袖紗不死舊鄉何處是生

蓮呢鉢未開花

幾攜瓢笠上天台欲拭扶桑看日回忽憶黃墟兵解客乘

狸帶杜侍徘徊

君家大阮有眉生千里遙望作耦耕何事西南旌旆繞雙

雙地下倚重英

禍患紛紜家有無飄然一去寄浮屠可憐蘭若三更月臨

死翩翩撰蟄茶

蟄茶經叩公所著以擬離騷者

眉生高隱舊曾聞攀柏悲號又及君其待操戈揮日轉生
離死作嶺頭雲

寄毛廣文時年七十有一在官舍始產一子 二首

桂下乘車香滿輪徵蘭燕姑產茲辰何知又與君同物七

十年前父紱麟 其誕日與父同

隔江遙望一歌呼老蚌由來善產珠七十而傳方有後官

齋門左已懸弧

讀江東紀略 二首

匡坐西山舊隱居柔風麗月悵何如莫言草野因時撰不

是當年太史書

謙齋詩集 卷七

乘時戈甲滿錢唐水浸春花舊戰場流落江東多少事十

年追憶淚浪浪

讀海外勸哭記 二首

中原搦旆盡成虛海外猶傳勸哭書耆舊傷懷雖黯澹忠

賢臨難詎踟躕

戈船萬里日悠悠舉砲蛟門曉霧收海外何人鏖水戰滄

桑島嶼不勝愁

健菴附註海外勸哭記餘姚黃梨洲先生所著先生名

宗義字太冲天啟忠臣忠端公尊素之長子道學文章

爲國初第一流康熙間屢徵不起以大儒者年受知

於聖天子而又終保完節者也魯監國時先生曾糾

副都御史作監國魯元年大統歷頒於浙東監國航海

後曾遣先生副侍郎馮京第乞師日本國不得賦式撫
而歸歸後遂不出畢力於著述浙東西皆請主講席撫
軍張公以下皆請開講所著明儒學案
南雷文定等書十餘種共四百餘卷

郊行聞人吹笛或倚而歌

閒來江上綵雲輕無限鶯花隔水明好與春歌相宛轉始
知龍笛最淒清

謙齋詩集

卷七

五

謙齋詩集卷七終

謙齋詩集卷之八

蕭山蔡仲光大敬甫撰

族裔

震甲雲士編

應鳳小汀梓

五言排律

禹陵

夏禹茅山廟輝輝大聖模探奇曾太史褒拜及微軀守塚
人何在耕田鳥有無臯夔惟土木桐葦久嗟吁古見銀編
字今看燕喋呼畫梁猶繫絆綠刻已模糊曉日臨秦望秋
風破鏡湖深房垂薜荔古屋走鼃鼃玉帛一時會牲膏萬
世趨神功長煥煥何以報勤劬

謙齋詩集

卷八

雲士附註紹興志禹陵在會稽山本名苗山去山陰縣
七里嘉靖中知府渭南大吉立石刻大禹陵三大字
○吳越春秋禹巡天下卽茅山以朝羣臣乃大會計更
名茅山曰會計○水經注大禹葬會稽有鳥爲之耘○
浙通志禹碑亭在廟旁明嘉靖中張季文守長沙
以嶽麓書院碑文歸知府張道明刻石字奇古

叢山戒珠寺

在昔營精舍依城結此山萬叢爭在眼千雉繞如環秋水
茆牆外春花瓦屋間水搖初地動花映化城殷自古山川
勝多因人物爛香臺時俯仰史記舊編爛憑弔心何極低
回興自閒右軍遊視聽勾踐困邊關鶯換曇碾後鳥飛江
渚還臨池書放浪采葢葉絲蠻此處波沈墨前時臭比蘭
學成還舊紙功立報衰顏握塵清言易操戈霸業艱含情

深歎慨好古絕追攀曳履登雙樹維舟水一灣飄零倚檻
望寂寞把荆班腐蠹頽蘭若囂塵當市闌淒涼垂露網慘
淡裊烟鬟座剝丹青像門施螺蚌鑲巖卑雲不聚窗靜水
偏潺叢石開紅杏晴波浴白鷗花宮情未已雁塔淚嘗潑
尙論知心壯孤遊苦鬢班秘謀尙可見筆跡已全刪

雲十附註載山在紹興府治東北三里載蔬類昔越王
勾踐嘗探食于此遂以名之在晉爲王逸少別舍尚畱
故池與祠堂載山亦名戒
珠山俗借寺名呼山也

柯亭

卽今柯橋寺
漢曰高遷亭

高遷傳箇竹漢代厯千春未矚高人目長嬰遽卒塵灰始
如欲朽橈折必難伸始覺詩書遠還由識鑒真一椽呈體
謙齋詩集 卷八 二
妙五孔奏聲勻微質詎能久孤亭亦已湮飛花迷舊跡啼
鳥喚新人野路往來易春船聚散頻嘯歌古寺裏飲食暮
江濱夙昔流傳事相探淚滿巾

靈隱寺

分得雷字

人間思送目天上正收雷秋仲尋靈隱茲山異草萊熒熒
鋪錦繡迴迴絕塵埃水繞孤亭落峯飛巫峽來登樓知海
近渡聞有龍迴夜月金繩路朝雲翠嶺隈湖山眞杳窅梵
刹寶瓊瑰闡法金旛絰談經貝葉裁珠垂三利寺香散四
高臺轉集車如市知宣法作媒風微簷鐸靜禪放殿燈開
顧蹙盧敖杖思傾蓮社杯買舟頻放浪拂袖幾徘徊耳目

親雙樹登臨志九垓

五瑞閣同張十六茂芳翁十五德洪王十四全高飲
分得香字

高閣意揚揚山中爲樂方江梅結子細岸柳帶花長載筆
題詩好行杯汎藥香褰衣風動影映幌月搖光促席心無
競推誠夢不忘竹林餘七子襟契在佯狂

渡江

日暖晞晨露風清渡大江斷流嘶戰馬接地一舸雙萬籟
兼蘆管千花雜羽幢湖山景物冷都會語言唳擊筑荆卿
酒彈絲宋女窗中宵懷耿耿愁弔影形雙

謙齋詩集

卷八

三

贈元學客

避世今何去蓬萊有一家彈琴歌太乙積火就丹砂未到
黃金闕思乘白鹿車采芝盤上秀種菊酒中花雲臥衣冠
隱風餐日月賒遙興蜀郡雨幾上赤城霞翠竹深山曲白
蘋流水涯歸飛丁令鶴異代固堪誇

謁鄉中前賢魏文靖公遺像

尚書高莫及道德乃中孚歲月久彌著山川降固殊挺生
大賢質垂作里門模在昔懷青史祇今披畫圖朝廷非屈
辱委巷最和愉秋日冰霜冷春風草木蘇掛冠辭魏闕立
場準湘湖潮闊錢唐山高勾踐郭恭惟窺玉貌私欲淑

洪爐揚震高名在江湛清節符丹青煥古木眉宇映飛鳧
八座貂蟬珥期年几杖扶雲停堅抱璞玉粹逝乘桴偉彼
全身哲今來孰可逾

村中春社復邀余同飲

二首

春社幾憑欄東風暮尚寒雲迷勾踐嶺波湧子陵灘入廟
惟祈穀行杯屢結歡衣裳習俗古忠信里閭安白屋驚傳
箭飛花映據鞍索居邀飲福悵望使人歎

燕至偕鄰出花開滿廟芬誰家應得肉賤子復能分到處
祈農請何人祝社文蟻浮鄰醪酒蜂繞石榴裙竹裏風搖
日舟前水渡雲停于州里會八斗始成醺

謙齋詩集

卷八

四

題會稽山老人屋壁

秋花不可尋秋葉間花深古有捕魚客今惟楓樹林衣冠
猶漢製風俗異秦心地僻雲霞滿山高日月陰卷簾瞻秀
發把酒對蕭森寥廓無窮味愴哉猿夜吟

閏月花朝

二首

花落又花辰落花滿地春興饒時日轉樂爲管絃頻把酒
重相對題詩更欲巡東風盈洞壑零雨積江津疊鼓三軍
勵懸旛五采新山中驚贖客柳下拂愁人矢箠飛黃鳥戈
船亂白蘋盛年難再返悵望淚沾巾
芳馨次第開幽隱渺塵埃重飲花間酒幾登江上臺峯晴

疑未雨礎潤忽聞雷吐藥垂楊起銜泥嬌燕迴操舟浮鑑
水采藥入天台笳繞牆東出旗翻竈北來愁深驚節返情
怯畏春催落魄魄山林士誰如謝客才

宿天衣寺聞梵

投跡禪堂夜爲心虛寂時金繩懸火照寶鐸待風吹暗靄
浮松檜餘烟裊棟榱山迷秦望立水入檻湖遲唱梵花香
繞鳴鐘草露滋微雲碧落淨皓月綺窗移茗粥隨行者天
衣問住持從來摩詰地縹緲澹予思

會稽山尋山人李與王不遇

幽興欲如何春深倚杖過四圍青嶂合數里白雲多木榻
謙齋詩集

卷八

五

妻孥在松門鳥雀和溪邊徒繫筏花裏不聞歌種藥餘苓
朮栽衣亂薜蘿從來看竹者空翠自婆娑

春正晦日卽事詠懷四十韻兼寄丁一惠蔣平階包

秉德諸子

今日復何日芳時舊典型東風吹霖霖春氣繞軒櫺滿岸
梅花白緣溪苔蘚青此中頻灑濯爾後但飄零鋒鏑紛能
戰邱園擾不寧棲遲長抱璞憔悴有囊螢旂析元蛇出笳
吹兜勒聽未傳風落瓦羞問雨淋鈴半世披儒服窮年誦
禮經有心懷孔器誰分哭秦庭燕石徒重襲牛刀未發刃
休文腰似削水部髮如星履虎尋巖穴循牆老歲齡難爲

營窟兔聊作撞鐘筵結友期河嶽關情類鷓鴣行齊偕几
杖心奮感雷霆謝客山中屐張融岸上舡餐芝採礪戶烹
鯉釣江汀高岫雲如拽幽篁韻可聆遊漸禽子夏居近白
樓亭溪側誰吟笛松間有負苓賦書門上札射鼓箭頭翎
狙豆親猥佩冠簪入李珂頻開三徑竹不食五侯鯖偃臥
榮非辱爲漁醉不醒呻吟堂四隩歌嘯玉雙瓶到處賢人
賤由來隱者冥非關心落落自覺境泠泠越俗不爲醜堯
時全落莫蟲魚識雨候草木聽春令花嶼迴姿麗糟牀注
酒馨愁深岸白幘病起握青萍私屬能除甯寒烟已上甌
家雞棲壁鑿鄰犬吠門扃煨煨燈前舞煌煌座右銘臯翻
謙齋詩集 卷八 六

單二十六隆周病癱在骨

抱病荒城晚悽悽久自傷跼蹐臨外戶搖曳一空牀染翰
情誰悉搔頭意未央金刀思刺骨山鬼莫遺方旅雁雲中
影寒梅隴上香風箏吹欲墮露井倚難忘納屨綦皆溼挑
燈蕊不光參苓滅竈冷薜荔下帷長鐘度青房塔烏棲白
屋霜華門無盡味歌罨淚沾裳

暮春江行

撫景有攀躋春遊遠近齊疊波晴浦亂空翠暮雲迷樹樹
餘花落村村乳鳥啼斂衣升石磴倚杖踏江泥斜日帆檣
渡東風篠簜蕩低靈妃身有佩伍相氣如霓駘蕩看梅柳淒
涼聽鼓鼙不知巖處士幾在武陵谿

天竺寺

迤邐來天竺徘徊積翠間藤蘿由一徑龍象卻三山伐鼓
晨聽梵傳燈夜閉關鳥含僧飯白花吐佛香殷嶺疊他峯
樹溪通別水灣晴雲丹井出皓月桂林攀巖壑多乘輿單
衣未擬還

春晝劇藥林中見黃鶯一雙在葉中囀

謙齋詩集

卷八

七

劇藥晝光明鶯鶯何處聲拂衣黃可喜集木綠初盈水下
紅桃萼沙飛白柳榮自憐音不陋顧此影偏清芝任商山
采丸愁公子驚患深來並坐景麗復雙鳴禱藏形固關
關吐韻輕那因茲睨睨轉使百憂生

月

今宵天不雨躡蹠室南端圓景幽軒靜西風古木乾淒淒
吟蜚翅豔豔繞禽翰彩泛清池迴光緣修堞寒蒲桃釀酒
薄叢桂摘花殘結襪秋階冷攀林夜露溥孤情閒杖履長
嘯倚門闌延白明虛室搖金碎急湍掩窗懸蚌蛤捐扇隱
峯巒寥廓烏皮几優柔鶻尾冠自傷彈錦瑟非去逐金丸

久立鄉關處遂巡膈已酸

春雪既霽因同齊于大鴻登百尺樓兼懷迪吉澤蘊
成夫南士三十韻

醜酒滄江遠來登百尺樓飛花千里積遐景四隅幽朔雁
迴風度寒梅大雪求關山青草隱天地白雲浮古屋女牆
內荒烟津渡頭晴迷蘿薜帶醉貫鸕鶿裘那復知心爇因
思引手杯清姿乘氣化皓質亂春愁萃澤征人凍延陀禴
術優瑤池羣虎豹青冢沒羊牛組練明何極干戈勵未休
斗杓慚北望江水阻東流烏陣傳鳴鏑荷衣臥舊邱山城
吹畫角雪嶼掛吳鉤強忍風塵色長爲汗漫遊棹船波渺

謙齋詩集

卷八

八

渺蠟屐步悠悠漫滅尋懷刺悲吟入郢謳知予情最傲顧
爾曲難酬靜影緜編簡哀心拂蒯緱兔園俱挾纈蓮幕有
橫矛澗壑連冰沍雲霞映水稠仲都顏不變東郭履何投
對酒懷巖處登高挾好仇居貧飛逸興際險泛虛舟遺鯉
通三徑雕蟲到十洲游梁賦司馬入剡訪王猷浩汗遙相
顧伶俜豈自謀風光知其美皎麗惜難畱仄徑迷烟晚虛
窗入鬢秋惟君才不世白璧滿南州

仲春野寺舉酒之作

乘閒來古寺逸興野融融黃鳥啼花塔青山映梵宮鷓冠
驚躍馬聖酒發雕蟲舊雨清渠滿新香老樹紅明霞圍落

日翠竹動微風煖氣山城外晴光水國中容顏非塞北杖履是牆東獨問江湖客何時一棹通

荅邛在上人見贈詩原韻

偃臥懷終古君來入越時千巖迎鉢近萬壑渡杯奇宛水難推刃稽山看采芝袈裟何自接雲霧忽然披伍員方耕野離騷盡憤辭天台峯峻極雁蕩湫流離振錫勾餘曲拳荷鑑水澗靈巖傳覺教龍聽咒枯枝鉛筮功難就魚刀志不移隱身猶未奮化我復何之尋出搖星度泉流折地維黑衣知世劫皂帽惜孫貽道德通河嶽文章建社壇貧慚徐穉榻老下仲舒帷藹藹松杉岫汪汪雁鷺陂戴琴曾己謙齋詩集 卷八 九

家池

吳關秋曙

夜氣滿吳關蒼茫獨望間曉涼思涉水秋爽幾登山野木明江滸廚烟接市闌雁兒飛不至漁子宿堪攀初日穿雲上寒鳧拂棹還蕭條楓葉下憤恨鞠花斑多慮應難寐長愁會損顏故居勾踐嶺回首意閑閑

寄贈蔣公涵隱居

杜陵三徑築黃浦最含情老愛江湖闊寒知冰雪清風高

白苧匯日翳闔城髮短簪難寄心閒冊更橫螺書索神
禹蟲注辨康成楞里干花繞蕭齋萬籟鳴荷衣頻自製雲
粉使身輕遼海歸飛鶴緜山獨駕笙潮聲類鼉鼓蜃市雜
霓旌走馬絲來避吟笳孰敢爭深藏懷縹緲獨立氣崢嶸
曠野形無苦安居德不名烟樓大隱入畫角少微明七秩
扶鳩杖三餘酌兕觥阿咸吾所畏千里祝商彭

元夜同友人飲醉歸有作

皓月海東頭疎星夜自流簇花翻朔吹篝火滿南洲令節
堪乘興風烟不盡愁抽毫兔欲染把酒蟻皆浮鼉鼓漁陽
弄洞簫鄔里儔短衣爲楚舞白髮度吳謳狹巷光逾迴千
謙齋詩集 卷八 十

寄可參宗蓮二上人

淨土舊袈裝披襟情自遐禪門此二士講席喻三車空翠
寒雲掩夕陽秋水涯香臺飛鶴雀古鉢制龍蛇示病親靈
藥標宗舉覺花桑林宿未久何處又爲家

送朱士稚魏耕呂師濂之吳門

吳門凡幾里欲去強徘徊若要離塚應思勾踐臺刺人
風氣順復國劍華開弔古誰爲詠傷今但舉杯江槎低灑

樹山雉暗投舞雙履愁樓託孤帆任往來幾人章相後此
輩建安才匿影椎難擊登高賦易裁受書邳橋側畱井峴
山隈梓瑟鳴弦緩鳧壺激矢迴柘漿灑作酒花燭炮成灰
送爾莊亭路長吟使我哀

題小蓬萊

有序

徐九芳烈所居室庭間廣不數尋隘耳而綠架丹
葩紅魚互映其夫婦老隱其中不知年也友人過
者咸謂之小蓬萊而余亦爲題詩六韻

採藥問春正秋風裊旆旌排霞何處好煮石最含情翠影
朝朝蔚瓊葩暮暮榮紅翻魚潑刺綠動鳥嚶鳴投畚妻偕
謙齋詩集 卷八 十一

隱吹簫侶共迎幽庭莫謂小是亦小蓬瀛

雲士按單雪園詩序曰新秋雨闌殘暑猶王覓舊所作
苦熱行改之握筆未下揮汗而已適涵翁袖諸同人所
題小蓬萊詩見示讀竟已如坐冰壺中矣因走
筆成二絕俱得萊字率爾塞責深愧沙礫奈何

賦得殘月如新月

永夜夜將闌徘徊庭露團垂弓江月起唱曉杙雞寒此景
是何景今歡異昔歡誰將玉鉤影移入海雲端少婦閨中
望將軍馬上看縫衣失蓮漏奪險抱銀鞍光似初生細名
因滿後殘流輝星不沒微彩水增瀾俯仰殊時况霜飛袖
已單

季秋八日夜月二首

疎星散林野落葉下波津周覽庭除際天高月半輪虛懷
就澤藪孤榻倚風塵顧兔明方始桂花影未勻體同千里
潔光到一家貧抱病文園客行吟白社人藜牀堪對酒皂
帽不爲臣何日瑤蟾滿持輝照四鄰

裊裊不就寢仰視月如何潮息江瀾細山橫嵐氣和微雲
輕點綴獨樹重婆婆雖具靈輪德其如半廓頗龐龐經網
牖汎汎逐紋波始慮中宵暗胡爲申且歌鄉關徒偃蹇邱
壑易蹉跎皓魄初弦夜幽人被女蘿

仲夏雨後晚起卽事書懷三十韻因寄二三巖處之
士俾知予情故篇中言情而不及寄

謙齋詩集

卷八

十一

有情難免俗晚起正衣冠久悉林邱况永懷家室歡含愁
目眇眇緩步佩珊珊竹弱風難定荷敲雨易乾明霞孤自
喜落日浩多歎翡翠鳴叢薄鳧鷖避急湍柘漿醒愈嗜絳
瑟破方彈續筆劉哀畫棋枰祖訥看誰家書繫雁幾處轄
投餘自分填溝壑頻思倚藥欄越山朝列秀浙水暮重瀾
夏禹埋桐柳嚴光把釣竿棲遲桑梓近搖蕩九州寬西作
滄浪泛東尋渤澥觀飛揚心已愜跋涉勢多難迺搢泥波
趣陰求變化端々酣脩臂悞乍著葛衣單東海多愁色南
州不素餐惟成五石劑庶免二毛殘款段非神駿鷓鴣詎
勁翰張罽驚啄雉拂鏡舞啼鸞臥病求鴻術題詩寫白團

鵲飛晴繞樹雞唱晚登壇遙視禽逃弋長歌車伐檀鑿坏
歸隱德食棗問仙官松桂雲塗杳參苓竈火寒養生雖有
主方柄不須剗漆漆賢人禮丁丁隱者槃雲行施廣博巖
處味辛酸莫以老將至翻愁時未安

天章寺

倚杖入天章花宮景物涼荒山惟見草曲水不聞香寺古
人頻至春深樂未長雲霞雖渤海簫鼓是空王落日合杯
興東風染翰光冬青異代樹激烈詎能忘

同徐光球王勉張杉飲陸氏快閣

倚杖乘多暇高朋會舉杯明湖青草映重嶺白雲來啼鳥
謙齋詩集

卷八

十三

幽情暢飛花逸興催春風應把臂晚日共登臺舟楫東長
控旌旗西木迴願揚滄海水萬里灑塵埃

讀瞿公式耜諸奏議

戎馬瞿公奏遙從異域傳風雲期慘淡社稷數迤邐四海
兵戈入一隅政教偏張旗人易聚保塞計難全南楚星辰
亂榕江歲月遷封疆臣子義號令帝王權撫御蠻鄉制收
羅幕府賢雲臺何日畫魏闕滿懷賤將帥功無定蒼生淚
有漣王湛臨陣壯張悌秉心淵國勢河山碎君恩身命捐
出師餘二表萬古日爭懸

健菴附註瞿公式耜字起田常熟人萬曆丙辰進士由知縣擢給事中崇禎時屢陳時務搏擊權豪緣事革職福

詠齋詩集

卷八

十四

王宏光初巡撫廣西乙酉南都亡唐王稱號于閩而靖
 江王亨嘉據桂林謀僭號為吏部侍郎兼內閣學士時唐
 兵平閩唐王羅難式相與總督丁魁楚等迎桂王由榔
 稱號于肇慶王以式相為吏部侍郎兼內閣學士時唐
 王之弟聿鏞僭號于肇慶王震動全州二月桂王西奔
 破廣州擒聿鏞僭號于肇慶王震動全州二月桂王西奔
 春廣州大兵下肇慶王震動全州二月桂王西奔
 請王雷不納自請雷守乃桂林進文淵閣大學士兼吏兵
 部尚書三月自請雷守乃桂林進文淵閣大學士兼吏兵
 餉等力戰以妻簪助之守桂林三月桂王西奔
 驥二月王還桂林戊子二月復平樂梧州捷聞封臨桂伯
 忠戰敗還促王奔式相力請雷王曰卿不過欲予死社
 稷爾自靈川沾衣夜半而行永忠即縱火掠日相息
 餘燼無遠近亦掠而去三月外兵來襲式相與
 督師何騰蛟督軍力拒獲全遣使赴南寧王始知與
 報無恙為之泣下賜金印曰精忠貫日時桂王移駐
 李成棟以廣東總兵金聲桓以江西叛附桂王與
 肇慶式相身雖在外凡政有闕必論諫嘗曰臣與主上

戲簡大可

患難相隨休戚與共較他臣不同也已丑成棟聲桓俱
 敗沒湖南全失國勢大危庚寅春王走梧州秋全州破
 諸鎮皆潰十一月桂林空無一卒式相端坐府中總督
 張同敵自靈川回願俱死我兵執送大營定兩入孔賦
 德呼為瞿閣部先生勸降不從令為僧南不可拜與日
 同死和閩十一月雷電空中震者蕭衣冠南向拜與日
 也死時天大雷電空中震者蕭衣冠南向拜與日
 式相益忠宣張
 同敵益忠烈張
 負郭讀書堂高樓紅粉妝豔陽回北幹花樹發錢唐永日
 丹鉛古東風翠羽香山桃點脣細野鳥畫眉長酒共春情
 醉歌因夜氣揚羅敷相對老莫逐野鴛鴦

感秋

天上誰爲將三吳正合圍關山當扼險戰伐必乘機卷旆
閑韜畧提戈振武威晴光搖掛席晚景上征衣始道烽烟
是何期消息非蕭條山木落岑寂海雲歸極浦滌河遠滄
江聞見稀紅亭時北望白雁已南飛

入淨土菴訪蛤菴上人有作并示其弟子景文

爲訪緇衣侶飄然淨土菴風清檀作像日麗影移龕欲訊
神明澡非求鸞鳳驂拂衣遊塞北振錫返江南湘水題詩
久稽山受法覃慈雲爐篆接覺性幌燈涵未結蓮花社還
從高座談鷹飛聊自畜旛動共誰參暮愛湖中月朝迷嶺
上嵐阿難有妙相回首盼瞿曇

謙齋詩集

卷八

五

七言排律

清明用杜工部韻

江天漠漠火吹烟江水溶溶客坐船胃索鬪雞成故事鍛
矛維甲結新緣一州邱壑應同趣四海風雲詎自憐臨沼
觀魚情暢甚摘花飼雀興翩然由來達者能忘死豈有賢
人善數錢貧賤也須僥倖絕悠悠晚食度時年

其二

此君幾歲避牆東傾耳人前祇學聾今日曉晴宜上墓他
時晏坐但書空莊周濮水垂綸久阮籍蘇門清嘯同夜鳥
啼春爲杜宇江潮拍岸有青楓明霞曲渚干戈際遠寨孤

烟島嶼中屈指年華餘四十扁舟零悴已如翁

雲中 已丑年作

蒼頭特起數淪亡聞道雲州又發揚結係人心何不解命
懸天帝本無常白登山下禽聲亂君子津邊花影長晝閃
旌旗舒化杜夜嚴刁斗枕戈槍將如廣射真難敵河入冰
漸不可航汧督乘城熏穴塹長平度幕繞車箱提兵急自
飛狐下保塞從來馬邑長遙訊韜鈴心故喜不禁私語淚
沾裳

健菴附註雲中今大同府也己丑順治六年也時大同

總兵姜瓖叛大兵圍之按姜瓖明大同總兵闖賊陷

山西襄迎降及大兵破闖賊瓖復降我朝仍鎮大

同順治五年冬瓖又叛陷忻州朔州故明山陝廢官各

謙齋詩集

卷八

十六

聚眾應之萬練陷寧武岢嵐保德劉遷陷代州繁峙五
臺王永強據延安李虞夔白璋張萬全陷平陽蒲州解
州潼關而我叛臣李建秦據太平劉登樓據榆林叛回
丁國棟陷洮岷諸州縣亦並應瓖六年秋賊黨斬瓖以
降大兵定大同
萬練等以次削平

苔齊于九日臨川獨酌見懷之作

逢迎徧世自踟躕吁水舟前日浴鳧氣轉白商成素節霜
凋紅樹染春蕪此時風景江山異此日情懷髮鬢疎戲馬
臺前詩久就凌嘉館內賦非誣幾年擁篲皆貂珥何處投
珠按湛盧未見王宏新送酒回思阮藉舊提壺我為制齡
探菊蕊汝應消尼佩菜萸還憐故國衣裁冷邊問他鄉帽
落殊情接西雲歸自好書聯北雁望偏孤相思兩地渾難

見何論相尋入夢途

三月一日值寒食節上墓矣而三日爲上巳予復於是日上墓晚歸因同迪吉南士枚臣我平昌其郊行飲酒卽事有作兼書所感

此是周公成洛日前逢介子絕烟辰解衣蘭渚河流遠習戲江南蹴鞠新最愛清明鄰上巳還憐冷食復垂綸村原草綠連波動桃李枝榮度鳥頻漫汎花觴爲祓禊已鑽榆火薦繁蕢稱戈制霸金人見澆酪盈孟畫舫巡梁燕初來巢未覓池荷始種影難詢水涵和日嘗沽酒花舞柔風好拂中柳下釣依樗散士杖頭錢繞竹林人遙看萬里愁無謙齋詩集 卷八 十七

東木與世... 人... 萬里愁無... 謙齋詩集 卷八 十七... 詩終

賦附

松風賦

歷層巖之高下兮快之鬣一作松鬣之童童合百族之蔥翠兮

恐磊砢之難爲恭何森森之萬仞兮守門閭以自終瞻煩

挈之梢梢兮聆語言於幽窗豈有懷之不得宣兮欲舒憤

於上穹亦兩賢之遭逢兮乃聲聞之得彰八紘麥麥驚颯

獵獵窺頌貌一作頌於無朕運神功於有接轉蕙離蘅凌城

拂野何彼颼颼入於松下旣蕩春花復零秋葉相顧情親

遂煩喋喋懷無盡而日深兮語雖多而非誑入不介閤兮

頃去我而不辭讓獨流連於嬴秦之五大夫兮極顧慕之

謙齋詩集 卷八 賦附 六

情狀將無悲時序之代謝兮入崖谷而憎悵抑拊拂雲之

姿以自傷兮于喁兮乍容與而亟奔放仰茲素蕤峻極楚

楚宜其聲音飄然滿宇何有新倡升木以舞引喉造歌曲

折中矩復何忿疾攔然而怒魚然跳躍勇力如虎下人何

懷感其曼聲哀有餘饒涕泗交零仰視何見振木冷洽傍

徨四顧巖壑秀貞覽天地之變衰兮慮飛廉之勃鬱軋盛

氣以蕩搖兮號萬竅而忽失何虛牝之撼頓兮暢林莽而

盡拂似廣陵之八月兮海水非神而逆出惟鯁生之眇小

兮家會稽之錢塘葬水仙於江魚兮依潮汐兮波揚空山

脇而持種兮念忠魂之有雙體隆隆以曼引兮聲驛驛而

披猖馳輕車之下坂兮騁怒馬之絕韉何風木之相激兮
類波濤之迴翔事有隔千載而情以符兮遂不禁淚之浪
浪

雲土附註麥音咤陟加切莊子麥戶而入開也成公綏
天地賦偉二儀之宏闊又麥言夸言也陸贄傳麥言無
驗西京賦心多體泰○喁五恭反聲相和也莊子前者
唱于而隨者唱喁○虛牝牝谿谷也古詩哀壑叩虛牝
韓愈詩有似
黃金擲虛牝

秋菊賦 有序

古者貧窶之士當困阨憂愁之日未有不鼓琴哀
吟叩天太息者其一委之以天其一維之以人夫
委之以天而倚杖逍遙不禁捉襟納履之感維之

謙齋詩集

卷八 賦附

十九

以人而攬轡四顧時深繫馬曳裾之思以大可之
才而且以客遊老豈非命哉蓋余與大可皆貧窶
之士也均在困阨則其相憐也彌甚乃大可以已
西七月之望久遊言歸家居未兩閏月復欲渡江
淮以騁望歌驪駒而命駕焉雖其逢迎滿天下而
終歲馳驅道路其情有深可悲者而其心則惴惴
焉懼叢蘭之不及時以采與秋草同萎黃而隕也
余因賦凌風傲霜之菊以廣其懷勵其志焉其辭

曰

有卉離離字曰治牆霜飛槁葉此焉敷榮圓花蘂滿翠葉

莖輕素質亭焉菁華明明焉白帝乘時莠與同色金居
其方緣之爲飾亦有紅紫之萼凜秋足娛方之桃李蒨粲
不如三春花草彌望裕眠廣水浮舟近郭橫烟帳連古榭
燈滿平川人雜沓車麟連糾紛道路隨境迴遷入新豐而
勸酒顧歌者以調弦美人折花而相贈何袿裼之翩翩願
因迴風之乍轉奉淑氣以周旋鳥嚶入樹桑藹垂阡江盈
草沒路裊絲牽婦蠶饑而不去鳥欲墜以飛醜曾日月之
幾時花未折而瓣落游人驅車不顧爨者倚薪而欲斫鳥
賸銜而條疎蟲緣蝕而葉薄朝爲繁華暮已零落哀心自
傷一望寥廓何如俟景字之淒清覽秋花之颯纒當羣芳
謙齋詩集

卷八

賦附

子

之彫瘁擢素萼於伊始繁花雜錯密葉猗靡嵐寂山椒潦
收水泚別鶴離蟬聲斷不起冒青女而吐穎挺弱枝之麗
藹香繞深庭鬱鬱萋萋金風落英玉露含藥乃有山居冥
寂之士導引之倫高冠陸離衣飄入雲几斲青玉闕裏黃
銀槃案自舉流霞滿脣揮杯嚼藥靈液津津妙氣益體以
登上仙挾雙龍以駕車絳五雲而乘烟渺恆岱而小之極
覽元圃以言旋爲憶三春冶遊之子何以希此大年

雲士附註

治臆說文翰也亦作蔭○琴音敷榮也花也

揚子方言

華莠盛也齊楚之間或謂之華或謂之莠吳

都賦異

蔞蔞○蔞音蔞草盛貌左思吳都賦夏畦冬

蔞蔞

方生稻苗蔞蔞嘉穀又鮮明貌東晉詩蔞蔞上

子○俗音

千說文望山谷俗音也○袿釋名婦人上

服曰袿

○纒音史西京賦奮長袖之颯纒註長貌又音

鱸魚賦
○麓音離說文草木附麗地而生也又音麗義同
○繹音爾說文華盛也詩彼繹維何又音繹義同或作茶
而樹華旗註繹蓋有五采也漢書註繹合也

印明月之斐皓兮俯澄潭之潔白乘嫋嫋之西風兮縱一
葦之所適邁羣舟之合漁兮嚇魴鱸之就獲其始也魚跳
欲逸撥刺其尾剖魚江留質醞山市於是治以鹽豉佐之
肴核倚山夜煮光耀林樛充枯腸以魚膾兮染衰顏以酒
漿豈同乎秋風之思蓴兮實異於張百金之魚以如棠敢
酒食之是娛兮念窮老之得扶將以微軀挺生於天地之
廣大兮孤懷藉江山以愈深何意氣之浩博兮燦月星以
謙齋詩集 卷八 賦附 三

江柳賦

江流千里澹澹泱泱鳧雁汨沒魚龍蓄藏水廣以深崖岸
斯高上有菀柳垂縷飄飄裊裊兮欲眠乍起舟行迴望而
情傷斯何人之所植紛錯兮亘江曲以蔭降豈漑浸之既
久本拳局而枝紛亦性情之易生爭列樹之修塘渺渺兮
吹輕風而翠藹焯焯兮蒸麗日而烟揚枝踈地兮悠悠纖
以麗兮垂條夜聞寥寥兮徂夜深憂春蒨繁兮望之使人
愁柳絲沾人衣兮裾拂之以遊吹易舉不復返兮極目心

流於是。有漁父披羊裘執綸竿。蔭其下以釣。志亦在於得魚。何由知其高妙。於是。有征夫秉旂。旂聯車騎。久戍十年。猶未回傷。歲時之易變。識楊柳以興懷。乃其若翠幕之張而下垂也。則風之不扶也。若江雲蓬勃。連岸而未高也。則其扶疎暢茂。以動搖也。花飛水亂。舟迴樹轉。紫燕參差。黃鶯睨睨。獨遊淒迷。春江芊蕖。顧影牢愁。中懷莫遣。至若春光。宵窳。春氣融和水影。千重風吹。愈多待同心而未折。臨江路之紛葩。倚舟檣以遙睇。渺千里之烟霞。蹉跎日暮。羈鳥眸家接翼。深林樂聚。悲離叶羅所思人遠。悵望山河。會杳無期。傷如之何。

謙齋詩集

卷八 賦附

三

雲土附註。焯音浮。爾雅。焯焯。烝也。○琴音潛。又音料。義同。又音聊。平聲。琴音長。風聲。○蕖音練。芊蕖。青盛貌。郭璞江賦。灌芊蕖。

槐樹賦

下里拙成槐樹賦似 枚臣道兄爲北遊之贈并

祈教削

王子讀書容安之軒堂。無鱣集樓。豈霞樓不馳情於江山之岑。峯杳冥而容與。委巷處其喧卑。歧旁厠池術。西南陲中有槐樹。峻極鬼鬼百尺而下。則擁腫輪菌。無曲條暢柯。靈根膏土。枝上發以垂蔭。臯壤布葉。離離築室。其間芴據而色與仰視。而心懷百尺而上。則扶疎豐茂。韡韡萋萋雲。

霓之所映蔚霜露之所滋榮日月之所隱見風雨之所騰
踊雷霆之所撼激霰雪之所迷布光華景色隨遇異狀旖
旎翳鬱糾紛合開其鞫禽離鳥暮宿而朝飛者日不知其
幾十百來去以遊也或乃黃鸝鳥鵲布穀子規鷓鴣鴉鳴
附巢四隅各爲雌雄異鳥同鳴不相通謀至若本下入室
枝上四垂風吹枝拂閭影參差匠石過之能侈其所覆而
不能絜其本之大小未維馬而不知所蔽在馬焉未婁牛
而不知所蔽在牛焉王子從朋讓友牽子抱孫敖遊其下
頌習其側捕靈蛇而控頤索珠纓綃縠而躡艇上織陸機
含毫以賦文謝朓次槩而酬德老上公車矻矻愈力倚槐
樹盤桓而欲與之爭其所得蔡子聞之曳杖往遊王子曰
吾固以濡翰爲職者也今則魚離於網而鴻之下於弋也
吾將因是圖以自息也蔡子曰子寧以是是固子之所得
而非槐之所得也槐之所得寧止是哉周之治朝面三槐
者三公之位也漢之辟雍有博士舍植槐爲市朔望諸生
各持其郡所出物及諸典籍會槐下議焉是固在國非子
能及乃若子之宗先有手植槐而食其報者始善之積而
終慶之獲天地隲人覽於默默造化以無心爲爐炭而報
罔或忒子寧維是組仁紉義纘禮考德終其身黽勉從事
而何有於息且夫晉公之事則士之不易遵而人之所難

能者也若槐則標枝高暢下蔭廣庭以時蔥蒨蕭殺而不
與人爭則其得其失又豈人之所得矜王子聞言爽然不
禁志之失也已而翻然如有所欲赴曳裾俯徨如悔如慕
白日西馳槐影轉布

雲士附註說文山之岑峯也凡地高險曰峯音吟○
蔚音翁此作上聲蔚鬱草木盛貌張衡西京賦鬱蔚鬱
蔚○鴉音翰淮南子仲冬鴉鳴不鳴月令作鴉鳴○纓
音叟又音櫻去聲絲數十纒也綃先彫切音宵生絲
薄繪一曰綺屬○槩疾染切音漸上如標枝民如野鹿高
懷鉛提槩○標枝壯子天地篇上如標枝民如野鹿高
枝日標管子大本小
標○葢所賣切音曬

謙齋詩集

卷八

賦附

十四

謙齋詩集卷八終

